


春秋左國公穀分國紀事本末

三



漢書門類			
八	二	九	號
一	六	三	函
一	〇	六	架
一	六	〇	冊

內閣文庫		
漢	八	四
書	二	九
〇	一	六
〇	二	七
〇	五	二

春秋

卷之六

內閣文庫		
番號	漢	8429
冊數	16	(3)
函號	275	19



春秋左國公穀分國紀事本末目次卷三

榕城後學東峯李國華編輯

男調元

淺孫宗寶 叅較 庫

魯傳上

隱公

元年 惠公元妃

二年 子氏薨公

六年 秋七月公

桓公

元年 公即位 穀

春王正月 穀公

三年 君氏卒

四年 翬帥師公

五年 考仲子之宮 穀公
十一年 公薨





三年 會于贏

翬逆女 併年 聘

春秋左國公穀分國紀事本末

魯

公



六年子同生

八年會于樂

公薨冬塋

文姜淫行

莊元春王正月穀公

孫于齊穀公

會禚併享穀

狩于禚公

五年姜如齊併歸

七年會防會穀

五十姜如齊

十九姜如莒

一十姜氏薨

莊公

二十肆大青

如齊納幣

三十公至公

四十姜氏入穀公

二十公子牙卒公

公薨

子般卒

慶父如齊

三十蕭叔朝公無傳

卅介人侵蕭無傳

閔公

元年春王正月夏塋

盟落姑

仲孫來公

二年禘莊公

公薨公

僖元姜薨于夷塋

高子盟穀公

成季生

僖元友敗莒師穀公

六年禘于太廟

僖公

元年春王正月

十一會陽穀

十滅項

會卞併公

卅如齊公至併公

春秋紀事本末

魯

附部 郕子來朝無傳 九廿 介葛盧來 冬介葛盧來

文公

元年 公即位 服會葬 二年 作僖公主公穀

躋僖公國 遂納幣 四年 逆婦姜穀

風氏薨 九年 秦歸襚 六年 不告月

不視朔公 九年 姜如齊 六年 姜氏薨葬

公薨葬 子卒 姜氏歸穀

宣公

元年 即位逆女 行父如齊 取濟西田

八年 嬴氏薨葬 十年 歸濟西田 五初稅畝公穀

蜎生 八公薨 歸父如晉併還公穀

成公

元年 公即位 作丘甲穀 盟赤棘

二年 齊伐我 取陽田 六年 立武宮

八年 歸齊汶陽公 四十 逆女婦至 六十 會沙隨公

會伐鄭 執季孫公 八十 公薨

襄公

元年 公即位 姜氏薨葬 四年 姒氏薨

九年姜氏薨

公送晉侯

九十年公在楚

一十年公薨

子野卒 立禡

葬襄公

昭公

元年公即位

五年公如晉

八年蒐于紅 穀

一十年歸氏薨 葬

三十盟平丘

公如晉

季孫在晉

意如至

五十年公如晉

六十年公在晉 公至

意如如晉

五十年鸚鵡巢

孫于齊 穀公

六十年取鄆圍成 晏子春秋

盟鄆陵

七十年公如齊

會于扈

懿子伐鄆

如齊居鄆

八十年次乾侯

九十年至自乾侯

平子賈馬

鄆潰 穀

十一年在乾侯

會適歷

二十年乾侯取闕

公薨

哀十年孟子卒

定公

元年春王

公之喪至 穀公

八年從祀先公公

十五年邾子朝

公薨

如氏卒

葬定公

葬定如

哀公

春秋紀事本末

魯

今見

元年公即位

十國書伐檀弓

會伐齊

四十年荆之母嬖

七忠三桓



春秋左國公穀分國紀事本末卷三

魯傳上 隱公

榕城東峯李國華編輯

傳隱公惠公元妃孟子孟子卒繼室以聲謚也子生隱公宋武

公生仲子生而有文在其手曰為魯夫人故仲子歸于

我生桓公而惠公薨是以隱公立而奉之隱以桓母生有禎祥故追

成父志讓桓立為

太子帥國人奉之

元年春王正月周王正月也人君即位體元居正故不曰

正月見周之正朔猶當行諸天下也傳元年春王周正月不書即位攝也

隱將讓桓故假攝君事不修即位之禮公元年者何君之始年也春者何

歲之始也王者孰謂文王也曷為先言王而後言正月
 王正月也何言乎王正月大一統也公何以不言即位
 成公意也何成乎公之意公將平也治國而及之桓曷為
 反之桓桓幼而貴隱長而卑其為尊卑也微毋俱國人
 莫知隱長又賢諸大夫扳隱而立之隱於是焉而辭立
 則未知桓之將必得立也且如桓立恐諸大夫之不能
 相幼君也故凡隱之立為桓立也隱長又賢何以不宜
 立立適以長不以賢立子以貴不以長桓何以貴毋貴
 也禮適無子立右媵右無毋貴則子何以貴子以毋貴
 也子立左媵桓母右媵

毋以子貴禮妻子立則
 毋得為夫人

穀雖無事必舉正月謹始也公何以不言即位成公志也
 焉成之言君之不取為公也君之不取為公何也將以
 讓桓也讓桓正乎曰不正春秋成人之美不成人之惡
 隱不正而成之何也將以惡桓也其惡桓何也隱將讓
 而桓弑之則桓惡矣桓弑而隱讓則隱善矣善則其不
 正焉何也春秋貴義而不貴惠信道而不信伸邪孝子
 揚父之美不揚父之惡先君之欲與桓非正也邪也雖
 然既勝其邪心以與隱矣已探先君之邪志而遂以與

桓則是成父之惡也兄弟天倫也為子受之父為諸侯受之君已廢天倫而忘君父以行小惠曰小道也若隱者可謂輕千乘之國蹈道則未也

傳冬十月庚申改葬惠公公弗臨故不書隱讓桓為太子故不敢為喪主

惠公之薨也有宋師太子少葬故有闕葬禮是以改葬

傳衛侯來會葬不接公亦不書諸侯會葬非禮也不得接公成禮故不書

年二十有二月乙卯夫人子氏薨桓未為君仲不應稱夫人

以赴諸侯故稱夫人不反哭故不書葬例在三年

公夫人子氏者何隱公之母也何以不書葬成公意也何

成乎公之意子將不終為君故毋亦不終為夫人也

年三夏四月辛卯君氏卒傳聲子也不赴于諸侯不反哭于

寢不祔于姑故不曰薨不稱夫人故不言葬夫人喪禮

盟一也葬反虞于正寢曰反哭二也卒哭祔于祖姑三也若此則書曰夫人某氏薨葬我少君某氏此備禮之

文也聲為隱母三禮俱闕緣隱不敢不書姓為公故曰

從正君之禮故不敢備禮于其母

君氏不書姓避正夫人也隱見為君

書曰君氏以別夫凡妾媵也

年五九月考仲子之宮初獻六羽諸侯無二嫡惠夫人為孟

立廟獻以六傳考仲子之宮將萬馬舞公問羽數于衆

仲對曰天子用八諸侯用六大夫四士二夫舞所以節

八音而行八風以八音而播八方之風使人手舞足蹈節其禮制使不荒淫次序人情阜財解愠使不故自八以下公從之於是初獻六羽始用六佾也

公初者何始也六羽者何舞也初獻六羽何以書譏何譏爾譏始僭諸公也六羽之為僭奈何天子八佾諸公六諸侯四諸公者何諸侯者何天子三公稱公王者之後稱公其餘大國稱侯小國伯子男天子三公者天子之相也天子之相則何以三自陝而東者周公主之自陝而西者召公主之一相處乎內始僭諸公昉於此乎前

此矣前此則曷為始乎此僭諸公猶可言也僭天子不可言也

穀初始也穀梁子曰舞夏夏大也執雉羽而舞天子八佾諸公六佾

諸侯四佾初獻六羽始僭樂矣尸子曰舞夏自天子至

諸侯皆用八佾初獻六羽始厲樂矣言時侯僭用八佾魯能減厲用六尸

言其降而存其說即魯以其諸侯之僭

六年秋七月公此無事何以書春秋雖無事首時過則書首時過何以書春秋編年四時具然後為年

四年鞏帥師會宋公陳侯蔡人衛人伐鄭鞏不稱公子疾其強公以不義也外

大夫貶稱人內大夫貶去族稱名此記事之體異也此大夫專將之始於是鞏得兵而循至于弒君矣

傳秋諸侯復伐鄭宋公使來乞師公辭之羽父請以師會

之公弗許固請而行故書曰鞏帥師疾之也諸侯之師

敗鄭徒兵取其禾而還

年十一冬十有一月壬辰公薨傳羽父請殺桓公將以求太

宰公曰為其少故也吾將授之矣速營菟裘魯邑吾將老

焉外邑羽父懼反譖公于桓公而請弒之公之為公子

也與鄭人戰于狐壤止焉止獲也諱言止鄭人囚諸尹氏賂尹

氏而禱于其主鍾巫尹氏所主祭之神遂與尹氏歸而立其主

逃歸而立廟而十一月公祭鍾巫齊于社圃館于寫氏壬辰羽

父使賊弒公于寫氏立桓公而討寫氏有死者欲以弒

寫氏而復不能正法誅之不書葬不成喪也弒隱篡立故喪禮不成君罪加

桓公

元年春王正月公即位嗣子位定于初喪而改元必須踰年

中年也桓篡立而託者繼父之業成父之志不忍有變于諸遭喪繼位者之禮穀桓無王其曰王何也謹始也其

曰無王何也桓弟弒兄臣弒君天子不能定諸侯不能

救百姓不能去以為無王之道遂可以至焉爾元年有

王所以治桓也

三年春正月公會齊侯于羸經首時必書王明此歷天王所頒或廢法違常失不頒歷故不

書傳成昏于齊也不由媒介自與齊會而成昏非禮也

秋公子翬如齊逆女九月齊侯送姜氏于謹已離齊不稱女未至魯不



稱夫人公會齊侯于謹夫人姜氏至自齊傳修先君之好
 故曰公子齊侯送姜氏非禮也凡公女嫁于敵國姊妹
 則上卿送之以禮于先君加禮先君之遺體公子則下卿送之
 公所自生女於大國雖公子亦上卿送之於天子則諸
 卿皆行公不自送於小國則上大夫送之

冬齊侯使其弟年來聘傳致夫人也
在魯而出曰致在他國而來則總曰聘
 年九月丁卯子同生傳以太子生之禮舉之接以太牢卜

士負之士妻食之禮世子生三日卜士負之射人以桑弧蓬矢射天地四方士之妻為乳母
 公與文姜宗婦命之子生三月君夫人立階西階西鄉同宗婦抱升西階君命之名乃降

公問名于申繻頌對曰名有五有信有義有象有假有

類以名生為信以德命為義以類命為象取于物為假

取于父為類生而有文曰名若文王昌武王發曰德命

鯉曰取物與父同日不以國不以官不以山川不以隱

疾不以畜牲不以器幣周人以諱事神名終將諱之舍

盡而諱新死謂以諱事神終將諱之故以國則廢名國不可

諱之自父至高曾皆不敢斥言以官則廢職以山川則廢主以畜牲則廢祀以器幣

則廢禮晉以僖侯廢司徒宋以成公廢司空先君獻武

廢二山具教二山因是以大物指上不可以命公曰是

其生也與吾同物類也謂同日命之曰同

桓公十年春王正月公會齊侯于樂公與夫人姜氏遂如

齊夏四月丙子公薨于齊丁酉公之喪至自齊

冬十有二月己丑葬我君桓公傳十八年春公將有行

遂與姜氏如齊申繻曰女有家男有室無相瀆也謂之

有禮易此必敗公會齊侯于樂遂及姜如齊齊侯通焉

公適之以告告齊侯夏四月丙子享公使公子彭生乘公

公薨于車魯人告于齊曰寡君畏君之威不敢寧居來

脩舊好禮成而不返無所歸咎惡於諸侯請以彭生除

之耻辱之惡聞于諸侯請殺彭生以除耻辱齊人殺彭生

文姜淫行

莊公元年春王正月傳元年春不稱即位文姜出故也桓殺而姜不敢

還莊父弒母出不忍行即位之禮傳據姜未還故稱出姜于是感公意而還不書不告廟

公何以不言即位春秋君弒子不言即位君弒則子何

以不言即位隱之也孰隱隱子也隱痛也痛是子之禍不忍言即位也

穀繼弒君不言即位正也繼弒君不言即位之為正何也

曰先君不以其道終則子不忍即位也

三月夫人孫于齊傳不稱姜氏絕不為親禮也魯人責姜故復奔齊

諱奔為孫猶孫讓而去姜義宜與齊絕而復奔齊故
 削去姜氏絕不使之為親所以存兄弟夫婦之禮也
 公孫者何孫猶遁也內諱奔謂之孫夫人固在齊矣其言
 孫于齊何念母也正月以存君念母以首事夫人何以
 不稱姜氏貶曷為貶與弒公也其與弒公奈何夫人譖
 公于齊侯公曰同非吾子齊侯之子也齊侯怒與之飲
 酒于其出焉使公子彭生送之于其乘焉擗幹而殺之
 念母者所善也則曷為于其念母焉貶不與念母也
 穀孫之為言猶孫也諱奔也接練祭時錄母之變始人之
 也不言氏姓貶之也人之於天也以道受命于人也以

言受命不若于道者若順也天絕之也不若于言者人絕
 之也臣子大受命

二年冬十有二月夫人姜氏會齊侯于禚傳書姦也四年春

王二月夫人姜氏享齊侯于祝丘穀婦人既嫁不踰竟

踰竟非正也婦人不言會言會非正也享甚矣享齊侯

所以病齊侯也享非夫人所宜

冬公及齊人狩于禚公羊狩于郛公曷為與微者狩齊侯也齊

侯則其稱人何諱與讐狩也前此者有事矣後此者有

事矣湖會齊伐衛師及齊圍郛是也則曷為獨于此焉譏於讐者將壹

譏而已故擇其重者而譏焉莫重乎其與讐狩也於讐

者則曷為將壹譏而已讐者無時焉可與通通則為大

譏不可勝譏故將壹譏而已其餘將同同輕者不訊與重者同

五年夏夫人姜氏如齊師書姦六年冬齊人來歸衛俘傳齊人

來歸衛寶文姜請之也公穀皆衛寶疑經誤

七年春夫人姜氏會齊侯于防傳齊志也冬夫人姜氏會

齊侯于穀防魯地穀齊地至魯地則齊侯之志至齊地則姦發夫人

十五年夏夫人姜氏如齊穀婦人既嫁不踰竟踰竟非禮也

十九年夫人姜氏如莒書姦二十年春王二月夫人姜氏如莒書姦

二十一年秋七月戊戌夫人姜氏薨薨寢衽姑赴于諸侯故具小君禮書之

二十二年癸丑葬我小君文姜反哭成喪故稱小君

春秋左傳卷三十一 莊公本末

莊公本末

年廿二 春王正月肆大雩。肆赦非制所常故書

冬公如齊納幣。不使卿非禮也毋喪未再期而圖昏皆訛

年廿三 春公至自齊。公桓之盟不日。其會不致。信之也。此之

桓國何以致危之也。何危爾。公一陳佗也。公如齊淫與陳佗相似

十有二月甲寅公會齊侯盟于扈。桓之盟不日。此何以

日危之也。何危爾。我貳也。魯子曰我貳者非彼然。我然

也。言非齊惡我也我行汚貳動作有危故日之也

年廿四 夏公如齊逆女。秋公至自齊。穀迎者行見諸舍見

公風堂

諸先至非正也

八月丁丑夫人姜氏入戊寅大夫宗婦觀用幣傳秋哀姜

至公使宗婦觀用幣非禮也御孫曰男贄大者玉帛小

者禽鳥以章物也章所執之物別貴賤羔取其羣雁取其候雉取其介女贄不過

榛栗棗脩以告虔也榛取其虔于事栗取其戰栗而敬棗取其早起也修取其自修也

今男女同贄是無別也男女之別國之大節也而由夫

人亂之無乃不可乎

公其言入何難也難乃且反其言曰何難也其難奈何夫人不

僂不可使入與公有所約然後入僂疾也約遠媵妾也夫人不肯疾順公

穀入者何弗受也日入惡入者也何用不受也以宗廟弗

受也其以宗廟弗受何也娶仇人子弟以薦舍于前其

義不可受也

年卅二秋七月癸巳公子牙卒傳初公築臺臨黨氏見孟氏

從之闕不從公而以夫人言許之割臂盟公生子般講

于梁氏女公子觀之講建也梁氏魯大夫女公子子般妹圉人犖自牆外

與之戲子般怒使鞭之公曰不如殺之是不可鞭犖有

力焉能投盖于稷門盖覆也稷門魯城門能自投接其屋之楠反覆門上公疾問

後于叔牙對曰慶父材問于季友對曰臣以死奉般公

曰鄉者牙曰慶父材成季使以君命僖叔待于鍼巫氏使鍼季酖之曰飲此則有後于魯國不然死且無後飲之歸及達泉而卒立叔孫氏

公何以不稱弟殺也殺則曷為不言刺為季子諱殺也曷為為季子諱殺季子之過惡也不以為國獄緣季子之心而為之諱季子之過惡奈何莊公病將死以病召季子季子至而授之以國政曰寡人即不起此病吾將焉致乎魯國季子曰般也存君何憂焉公曰庸得若是乎牙謂我曰魯一生一及君已知之矣

父死子繼曰生兄死弟及曰及言隱

生桓及今君生慶父亦當及

慶父也存季子曰夫何敢是將為亂乎

夫何敢俄而牙弑械成季子和樂而飲之曰公子從吾言而飲此則必可以無為天下戮矣必有後乎魯國不從吾言而不飲此則必為天下戮矣必無後乎魯國於是從其言而飲之飲之無僇氏至乎王堤而死公子牙今將爾辭曷為與親弑者同君親無將將而誅焉然則善之與曰然殺世子母弟直稱君者甚之也季子殺母兄何善爾誅不得辟兄君臣之義也然則曷為不直誅而酖之行誅乎兄隱而逃之使託若以疾死然親親之

道也

八月癸亥公薨于路寢傳子般即位次于黨氏

冬十月己未子般卒傳冬十月己未共仲使圉人犇賊子

般于黨氏成季奔陳立閔公

公子慶父如齊慶父既殺子般季友出奔國人不與故惧而適齊

閔公

元年春王正月傳不書即位故也國亂不得成禮

夏六月辛酉葬我君莊公傳亂故是以緩

公何以不言即位繼弒君不言即位孰繼繼子般也孰

弒子般慶父也弒公子牙今將爾季子不免慶父弒君

何以不誅將而不免過惡也既而不可及因獄有所歸

不探其情而誅焉親親之道也惡乎歸獄歸獄僕人鄧

扈樂曷為歸獄僕人鄧扈樂莊公存之時樂魯淫于宮

中子般執而鞭之莊公死慶父謂樂曰般之辱爾國人

春秋左傳卷之六

魯

四

八

莫不知盍弑之矣使弑子般然後誅鄧扈樂而歸獄焉
季子至而不變也不變正其真偽

秋八月公及齊侯盟于落姑季子來歸傳盟于落姑請復
季友也齊侯許之使召諸陳公次于郎以待之季子來
歸嘉之也

冬齊仲孫來傳齊仲孫湫來省難書曰仲孫亦嘉之也仲
孫歸曰不去慶父魯難未已公曰若之何而去之對曰
難不已將自斃君其待之公曰魯可取乎對曰不可猶
秉周禮周禮所以本也臣聞之國將亡本必先顛而後

枝葉從之魯不棄周禮未可動也君其務寧魯難而親
之親有禮因重固魯秉周禮根本安重間攜貳覆昏亂

霸王之器也器作用也

公齊仲孫者何公子慶父也公子慶父則曷為謂之齊仲
孫繫之齊也曷為繫之齊外之也曷為外之春秋為尊

者諱為親者諱為賢者諱于女子曰以春秋為春秋史

紀氏族為春秋言齊無仲孫其諸吾仲孫與齊高國崔

古謂史記為春秋魯仲孫氏

二年夏五月乙酉吉禘于莊公傳速也三年喪畢致主于廟

審昭穆為禘莊公喪制未闕特別立廟而吉祭又不于

太廟故訊林堯叟曰禘天子之禮魯之郊禘惠公請

松風堂

春秋左傳卷三十五

東周之僭禮也故孔子

曰魯之郊禘非禮也

秋八月辛丑公薨傳初公傅奪卜齋田公不禁秋八月辛

丑共仲使卜齋賊公于武闈宮中成季以僖公適邾共

仲奔莒乃入立之以賂求共仲于莒莒人歸之及密使

公子魚請請免其死不許哭而往共仲曰奚斯之聲也奚斯即子

魚難面言故哭而乃縊閔公哀姜之娣叔姜之子也故

齊人立之共仲通于哀姜哀姜欲立之閔公之死也哀

姜與知之故孫于邾內奔齊人取而殺之于夷以其尸

歸齊惡姜淫僖公請而葬之

公薨何以不地隱之也何隱爾弒也孰弒之慶父也弒

公子牙今將爾季子不免慶父弒二君何以不誅將之

不免過惡也既而不可及緩追逸賊親親之道也

九月夫人姜氏孫于邾公子慶父出奔莒

僖公秋七月戊辰夫人姜氏薨于夷齊人以歸十為二月

丁巳夫人氏之喪至自齊傳夫人氏之喪至自齊君子

以齊人之殺哀姜也為已甚矣女子從人者也

二年夏五月辛巳葬我小君哀姜

閔公冬齊高子來盟公高子者何高齊大夫也何以不稱

魯公風堂

使我無君也然則何以不名喜之也何喜爾正我也其
正我奈何莊公死子般弒閔公弒比三君死曠年無君
設以齊取魯魯不興師徒以言而已矣桓公使高子將
南陽之甲立僖公而城魯或曰自鹿門至于爭門者是
也或曰自爭門至于吏門者是也魯人至今以為美談
曰猶望高子也
穀其曰來喜之也曰高子貴之也盟主僖公也不言使何
也不以齊侯使高子也

傳 成季之將生也桓公使卜楚丘之父卜之掌卜曰男也大夫曰男也

其名曰友在公之右凡人皆右手用事言其當相魯間于兩社為公室

輔周社亳社間魯執政所在季氏亡則魯不昌又筮之遇大有之乾

火天大有六五變而為乾曰同復于父敬如君所離寢歸為乾謂同復于父敬之當如

君及生有文在其手曰友遂以命之


傳 成風聞成季之繇乃事之禮事而屬僖公焉故成季立

之

僖公元年冬十月壬午公子友帥師敗莒師于鄆獲莒挈

傳 莒人來求賂興師求索慶父之賂公子友敗諸鄆獲莒子之弟

挈非卿也嘉獲之也莒既不為魯討慶父既受魯賂又求無厭故嘉獲之公賜季



友汶陽之田及費

公莒挈者何。莒大夫也。莒無大夫。此何以書。大季子之獲也。何大乎。季子之獲。季子治內。難以正。禦外。難以正。其禦外。難以正。奈何。公子慶父弑閔公。走而之莒。莒人逐之。將由乎齊。齊人不納。却反舍于汶水之上。使公子奚斯入請。季子曰。公子不可以入。入則殺矣。奚斯不忍。反命于慶父。自南溪北面而哭。慶父聞之。曰。嘻。此奚斯之聲也。諾已。曰。吾不得入矣。於是抗軫經而死。莒人聞之。曰。吾已得子之賊矣。以求賂乎魯。魯人不與。為是興師。

而伐魯。季子待之以偏戰。

穀莒無大夫。其曰莒挈何也。以吾獲之。目之也。內不言獲。

此其言獲何也。惡公子之給。徒乃給者奈何。公子友謂

莒挈曰。吾二人不相說。士卒何罪。屏左右而相搏。公子

友處下。左右曰。孟勞。孟勞者。魯之寶刀也。公子友以殺

之。然則何以惡乎。給也。曰。弃師之道也。言欺一而衆疑

八年秋七月。禘于大廟。用致夫人。禘三年大祭。致新主于周公廟。夫人淫而殺。不薨于

寢。禮不應。致公疑其禮。歷三禘。今果行之。書以示異。元年。夫人氏而去。姜見絕于國之辭。今曰致夫人而去。氏

見絕于宗。傳。禘而致哀。姜焉。非禮也。凡夫人不薨于寢。廟之辭。

不殯于廟不赴于同不祔于姑則弗致也寢小寢同同
 過廟姜不薨于盟將葬以殯
 寢不得致也

僖公本末

元年春王正月傳不稱即位公出故也公出復入不書諱之也諱國惡禮也

十一年夏公及夫人姜氏會齊侯于陽穀婦人見兄弟不踰閭與公俱會非禮

十七年夏城項傳淮之會公有諸侯之事未歸而取項齊人

以為討而止公內諱執言止

秋夫人姜氏會齊侯于卞九月公至自會傳聲姜以公

故會齊侯于卞九月公至書曰至自會猶有諸侯之事

焉若有會同且諱之也耻見執故託會而以至以告廟

廿九年 公至自圍許

年卅三 冬十月公如齊 十有二月公至自齊 己巳公薨

于小寢 傳公如齊朝且弔有狄師也反薨于小寢即安

也 小寢夫人寢也 訊就所安不終路寢

御附

廿九年 僖公 夏郕子來朝 姬姓

介附東夷

廿九年 春介葛盧來 傳介葛盧來朝舍于昌衍之上公在會

會圍許饋之芻米禮也 未返

冬介葛盧來 傳以未見公故復來朝禮之加燕好 貨介葛

盧聞牛鳴曰是生三犧皆用之矣其音云問之而信

文公本末

元年春王正月公即位 未葬而即位不可曠年無君

天王使叔服來會葬 夏四月丁巳葬我君僖公

二年丁丑作僖公主 傳葬僖公緩作主非禮書不時也併閏

月乃葬故緩二年作主過葬十月皆訊之 凡君薨卒哭而祔祔而作主特祀

於主既葬反虞則免喪曰卒哭止也以新成者之神祔

寢三年禮畢又大烝嘗禘于廟冬曰烝秋曰嘗宗廟

公作僖公主者何為僖公作主也 主者曷用虞主用桑練

用栗用栗者藏主也作僖公主何以書訊何訊爾不時

也其不時奈何欲久喪而後不能也

穀為僖公主也立主喪主于虞吉主于練僖公主訖其後

也作主壞廟有時日于練焉壞廟壞廟之道易檐可也

改塗可也

八月丁卯大事于太廟躋僖公大事禘也僖雖閔庶兄常為臣坐次不應升閔上

傳逆祀也於是夏父弗忌為宗伯尊僖公且明見曰明言其所

見吾見新鬼大僖也故鬼小閔也先大後小順也躋聖賢明

也明順禮也君子以為失禮禮無不順祀國之大事也

而逆之可謂禮乎子雖齊聖不先父食久矣故禹不先

鯀湯不先契文武不先不窋宋祖帝乙鄭祖厲王猶上

祖也是以魯頌曰春秋匪解享祀不忒皇皇后帝皇祖

后稷君子曰禮謂其后稷親而先帝也知所尊詩曰問我

諸姑遂及伯姊君子曰禮謂其姊親而先姑也仲尼曰

臧文仲其不仁者三不知者三下展禽廢六閔六閔所以禁絕

游妾織蒲席也與民爭利三不仁也作虛器居蔡縱逆祀躋僖祀

爰居三不知也

國夏父弗忌為宗宗伯掌祭祀烝將躋僖公冬祭曰烝八月而

祭烝宗有司曰非昭穆也閔君僖臣猶曰我為宗伯明

者為昭其次為穆何常之有言僖有明德當為昭有司曰夫宗廟之有昭穆也以次世之長幼而等胄之親疎也胄裔也夫祀昭孝也各致齊敬於其皇祖昭孝之至也故工師瞽太書世世次先後工誦其德史書其言宗祀書昭穆猶恐其踰也今將先明而後祖自玄王以及主癸莫若湯自稷以及王季莫若文武商周之烝也未嘗躋湯與文武為踰也魯未若商周而改其常無乃不可乎弗聽遂躋之展禽曰夏父弗忌必有殃夫宗有司之言順矣僖又未有明焉犯順不祥以逆訓民亦不祥易神之班亦不祥不明而躋

之亦不祥犯鬼道二

易神之班躋不明也

犯人道二

犯順以逆能訓民也

無殃乎侍者曰若有殃焉在抑刑戮也其矢札也

曰札

曰未可知也若血氣強固將壽寵得沒

保老壽而

雖壽而

沒不為無殃既其葬也焚煙徹于上

火發而焚其棺

公子遂如齊納幣襄仲如齊納幣禮也凡君即位好舅

甥修昏姻娶元妃以奉棗盛孝也

除凶而即位

孝禮之始也

四年夏逆婦姜于齊

稱婦有姑之辭

卿不行非禮也

君有故使卿逆君子

是以知出姜之不允于魯也

允信也始不見尊貴

曰貴

聘而賤逆之君而卑之立而廢之

君小君也不以夫棄人禮迎是卑棄之

信而壞其主在國必亂在家必亡不允宜哉棄納幣之信而壞其

內詩曰畏天之威于時保之敬主之謂也君以天為主

為主成王畏天即是敬主今魯不敬其夫人宜姜之不能保其福祿也

穀其曰婦姜為其禮成乎齊也其逆者誰也親逆而稱婦

或者公與何其速婦之也曰公也其不言公何也非也責

成禮于齊也曰婦有姑之辭也其不言氏何也取之也

何為取之也夫人與有取也夫人若能以禮自防則夫婦之禮不成于齊

冬十有一月壬寅夫人風氏薨五年春王正月王使榮叔

歸舍且賵珠玉曰舍舍曰賵三月辛亥葬我小君成風王

使召伯來會葬桓以少筭長成風以庶亂嫡而莊襄不

傳王使榮叔來舍且賵能正又褒賞之天命既忒故皆不稱天召昭公來會葬禮也

九年秦人來歸僖公成風之襚傳禮也諸侯相弔賀也雖不

當事苟有禮焉書也以無忘舊好衣服曰襚送死不及尸故曰不當事

六年閏月不告月猶朝于廟傳閏月不告朔非禮也經稱月

告月必以朔閏以正時時以作事事以厚生生民之道

於是乎在矣不告閏朔棄時政也何以為民為治也

十六夏五月公四不視朔傳疾也

公曷為四不視朔公有疾也何言乎公有疾不視朔自

是公無疾不視朔也。然則曷為不言公無疾不視朔有疾猶可言也。無疾不可言也。

九年夫人姜氏如齊歸寧三月夫人姜氏至自齊告于廟

十六年秋八月辛未夫人姜氏薨毀泉臺傳有蛇自泉宮

出入于國如先君之數。秋八月辛未聲姜薨文公毀泉

臺

十七年夏四月癸亥葬我小君聲姜有齊難是以緩

十八年春王二月丁丑公薨于臺下傳春齊侯戒師期將以

而有疾醫曰不及秋將死公聞之卜曰尚無及期惠伯

令龜以卜事卜楚丘占之曰齊侯不及期非疾也非以

君亦不聞言君先令龜有咎言令龜者亦凶

六月癸酉葬我君文公秋公子遂叔孫得臣如齊傳襄

仲莊叔如齊惠公立故且拜葬也仲賀惠公立莊叔謝

冬十月子卒諱弒以未成君書夫人姜氏歸于齊傳文

公二妃敬嬴生宣公敬嬴嬖而私事襄仲宣公長而屬

諸襄仲襄仲欲立之叔仲伯惠不可仲見于齊侯而請之

齊侯新立而欲親魯許之冬十月仲殺惡及視而立

宣公書曰子卒諱之也仲以君命詐以子召惠伯其宰

公冉務人止之曰入必死叔仲曰死君命可也公冉務人曰若君命可死非君命何聽弗聽乃入殺而理之馬矢之中務人奉其帑以奔蔡既而復叔仲氏夫人姜氏歸于齊犬歸也將行哭而過市曰天乎仲為不道殺適立庶市人皆哭魯人謂之哀姜

穀惡宣公也惡不奉姜氏有不待貶絕而罪惡見者有待貶絕

而惡從之者姪娣者不孤子之意也言一人有一人有一子三人緩帶優游之稱有子則喜樂情均貴一曰就賢

也若並有子年同則就賢今宣不奉姜非此之謂故惡之

宣公本末

元年春王正月公即位公子遂如齊逆女喪娶不傳尊君

命也卿出入稱名也三月遂以夫人婦姜至自齊尊夫人

也遂去公子尊稱所以成小君之尊蓋公子當時之寵號非族也

夏季孫行父如齊傳納賂以請會公會齊侯于平州傳

以定公位宣公篡立得與于會則諸侯不得復討臣子殺之與弑君同故賂齊請會而位定

公子遂如齊傳東門襄仲如齊拜成

六月齊人取濟西田傳為立公故以賂齊也

八年戊子夫人嬴氏薨宣公母冬十月己丑葬我小君敬嬴

雨不克葬庚寅日中而克葬傳冬葬敬羸旱無麻始用葛

蒹引棺雨不克葬禮也禮卜葬先遠日先卜辟不懷也

懷思也

十年春公如齊公至自齊 齊人歸我濟西田傳公如齊齊

侯以我服故歸濟西之田公比年朝齊故

十五年初稅畝傳非禮也周法十取一今履其穀出不過藉

借民田耕公田稅不過此以豐財也足民之財

公初者何始也稅畝者何履畝而稅也初稅畝何以書譏

何譏爾譏始履畝而稅也何譏乎始履畝而稅古者什

一而藉古者曷為什一而藉什一者天下之中正也

乎什一大桀小桀寡乎什一大貉小貉什一者天下之

中正也什一行而頌聲作矣

穀初者始也古者什一藉而不稅初稅畝非正也古者三

百步為里名田井田井田者九百畝公田居一私田稼

不善則非吏公田稼不善則非民初稅畝者非公之去

公田而履畝十取一也以公之與人為已悉矣古者公

田為居井竈蔥韭盡取焉

冬蠶生傳饑幸之也冬生凍死不為物害時歲雖飢猶喜而書之

公未有言蠧生者此其言蠧生何蠧生不書此何以書幸

之也幸之者何猶曰受之云爾受之云爾者何上變古

易常謂宣變公田而稅也應是而有天災其諸則宣於此焉變矣

言公于災飢後能受過變寤明年復古而行由冬大有年其功美過于無災故喜之

年十八冬十月壬戌公薨于路寢

公孫歸父如晉歸父還自晉至筮遂奔齊傳公孫歸父

以襄仲之立公也有寵父仲之子欲去三桓以張公室與公

謀而聘于晉欲以晉人去之冬公薨季文子言於朝曰

使我殺適立庶以失大援者大援謂齊晉仲也夫臧宣叔怒

曰當其時不能治也後之人何罪子欲去之許請去之

許武仲名遂逐東門氏子家還及筮子家歸壇帷復命

於介既復命袒括髮袒衣以麻約髮初喪之服即位哭三踊而出遂

奔齊書曰歸父還自晉善之也

公還者何善辭也何善爾歸父使於晉還自晉至櫪聞君

薨家遣埽帷哭君成踊反命乎介自是走之齊

還者事未畢也自晉事畢也與人之子守其父之殯捐

殯而奔其父之使者是以奔父也至櫪遂奔齊遂繼事

也

成公本末

元年春王正月公即位 二月辛酉葬我君宣公

三月作丘甲

周禮九夫為井四井為邑四邑為丘出戎馬一匹牛三頭四丘為甸出長轂一乘戎馬四

匹牛十二頭甲士三人步卒七十二人一甸所賦今使丘出之訊重歛故書

穀作為也丘為甲也丘甲國之事也丘作甲非正也丘作

甲之為非正何也古者立國家百官具農工皆有職以事上古者有四民有士民有商民有農民有工民夫甲非人人之所能為也丘作甲非正也

夏臧孫許及晉侯盟于赤棘傳聞齊將出楚師夏盟于赤

棘冬臧宣叔令修賦繕完具守備曰齊楚結好我新與晉盟晉楚爭盟齊師必至雖晉人伐齊楚必救之是齊楚同我也知難而有備乃可以逞

二年春齊侯伐我北鄙傳圍龍頃公之嬖人盧滿就魁門焉

龍人囚之齊侯曰勿殺吾與而盟無入而封弗聽殺而脯磔也諸城上齊侯親鼓士陵城三日取龍遂南侵及巢丘

秋取汶陽田傳晉師及齊國佐盟于袁婁使齊人歸我汶陽之田公會晉師于上鄆賜三帥先路三命之服司馬

司空輿師候正亞旅皆受一命之服

六年二月辛巳立武宮傳季文子以鞏之功立武宮非禮也

聽於人以救其難不可以立武立武由已非由人也

八年春晉侯使韓穿來言汶陽之田歸之于齊傳季文子餞

之私焉曰大國制義以為盟主是以諸侯懷德畏討無有貳心謂汶陽之田敝邑之舊也而用師於齊使歸諸敝邑今有二命曰歸諸齊信以行義義以成命小國所望而懷也信不可知義無所立忽于忽奪四方諸侯其誰不解體詩曰女也不爽士貳其行士也罔極二三其德七



年之中一與一奪二三孰甚焉士之二三猶喪妃耦而况霸王霸王將德是以而二三之其何以長有諸侯乎詩曰猶之未遠是用大簡行父懼晉之不遠猶而失諸侯也是以敢私言之

公來言者何內辭也脅我使我歸之也曷為使我歸之鞏之戰齊師大敗齊侯弔死視疾七年不飲酒不食肉晉侯聞之曰嘻奈何使人之君七年不飲酒不食肉請皆反其所取侵地

十四秋叔孫僑如如齊逆女傳稱族尊君命也

九月僑如以夫人婦姜氏至自齊傳舍族尊夫人也故君子曰春秋之稱微而顯稱權衡也春秋書法權衡其輕重詞微而義顯志而晦志語也語婉而成章盡而不汙直言盡其事懲惡而勸約而文微善非聖人誰能修之

十六秋公會晉侯齊侯衛侯宋華元邾人于沙隨不見公公至自會

附傳宣伯通于穆姜欲去季孟而取其室將行公將穆姜送公而使逐二子公以晉難告曰請反而聽命姜怒即穆姜成母公子偃公子鉏趨過公庶弟指之曰女不可是皆君也



公待于壞墮申宮做備設守而後行。是以後申重公宮戒備置守使孟獻子守于公宮。秋會于沙隨謀伐鄭也。宣伯使告卻犇曰魯侯待于壞墮以待勝者。卻犇將新軍且為公族大夫以主東諸侯取貨于宣伯而訴公于晉侯。晉侯不見公。

公不見公者何。公不見見也。公不見見大夫執。何以致會不耻也。曷為不耻公幼也。

公會尹子晉侯齊國佐邾人伐鄭。傳將行姜又命公如初。公又申守而行。

九月晉人執季孫行父舍之于茗丘。冬十月乙亥叔孫僑如出奔齊。十有二月乙丑季孫行父及晉卻犇盟于扈。公至自會。乙酉刺公子偃。傳宣伯使告卻犇曰魯之有季孟猶晉之有欒范也。政令於是乎成。今其謀曰晉政多門不可從也。寧事齊楚有亡而已。蔑從晉矣。若欲得志於魯請止行父而殺之。我斃蔑也。而事晉蔑有貳矣。魯不貳小國必睦。不然歸必叛矣。九月晉人執季文子于茗丘。公還待于鄆。使子叔聲伯請季孫于晉。卻犇曰苟去仲孫蔑而止季孫行父吾與子國親於

公室對曰僑如之情子必聞之矣淫慝之情若去莠與行父

是大棄魯國而罪寡君也若猶不棄而惠徼周公之福

使寡君得事晉君則夫二人者魯國社稷之臣也若朝

亡之魯必夕亡以魯之密邇仇讎亡而為讎治之何及

卻犢曰吾為子請邑益曰嬰齊魯之常隸也敢介大國

以求厚焉承寡君之命以請若得所請吾子之賜多矣

又何求范文子謂欒武子曰季孫於魯相二君矣妾不

衣帛馬不食粟可不謂忠乎信讒慝而棄忠良若諸侯

何子叔嬰齊奉君命無私謀國家不貳圖其身不忘其

君若虛其請是棄善人也子其圖之乃許魯平赦季孫

冬十月出叔孫僑如而盟之諸大夫共盟僑如奔齊十

二月季孫及卻犢盟于扈歸刺公子偃偃與召叔孫豹

于齊而立之

公執未有言舍之者此其言舍之何仁之也曰在招丘悌

矣悌悲也仁之者若執未有言仁之者此其言仁之何

代公執也其代公執奈何前此者晉人來乞師而不與

公會晉侯將執公季孫行父曰此臣之罪也于是執季

孫行父成公將會厲公會不當期將執公季孫行父曰

臣有罪執其君子有罪執其父此聽失之大者也今此
臣之罪也舍臣之身而執臣之君吾恐聽失之為宗廟
羞也于是執季孫行父

十八已丑公薨于路寢傳言道也得君薨

丁未葬我君成公傳書順也五月而葬世適承嗣故書其順

襄公

元年春王正月公即位

二年夏五月庚寅夫人姜氏薨襄公適母已丑葬我小君齊姜

傳初穆姜使擇美楨以自為櫬也與頌琴琴名欲季文子

取以葬君子曰非禮也禮無所逆婦養姑者也虧姑以

成婦逆莫大焉穆姜成公母齊姜成公婦今取姑櫬琴以葬婦其逆莫大詩曰其惟

哲人告之話言順德之行季孫於是為不哲矣且姜氏

君之妣也詩曰為酒為醴烝畀祖妣以洽百禮降福孔

偕齊侯使諸姜宗婦來送葬

年四 秋七月戊子夫人妣氏薨傳定妣薨成公妾不殯于廟

無櫬不虞櫬親身棺季孫以妣氏本賤既無器備 匠慶

謂季文子曰子為正卿而小君之喪不成不終君也其慢

母是不君長誰受其咎初季孫為已樹六檟于蒲圃東

門之外匠慶請木季孫曰略取曰略匠慶用蒲圃之檟

季孫不御止也遂得成禮君子曰志所謂多行無禮必

自及也其是之謂乎言始則文子無禮于穆姜取其櫬

孫取其樹檟以葬定琴以葬齊姜終則匠慶無禮于季

妣是謂必自及也八月辛亥葬我小君定妣

年九 五月辛酉夫人姜氏薨成公 秋八月癸未葬我小君

穆姜傳穆姜薨于東宮太子宮也姜欲廢始往而筮之

遇艮之八艮上艮下蓋艮六爻三上以九史曰是謂艮

之隨震下兌上此變卦隨其出也君必速出義謂姜必

出不久姜曰亡無是於周易曰隨元亨利貞無咎皆以

居東宮變者占遇一爻變義異元體之長也亨嘉之會也利義

則論彖故姜以彖為占之和也貞事之幹也體仁足以長人嘉德足以合禮利

物足以和義貞固足以幹事然故不可誣也是以雖隨

無咎言不誣四德今我婦人而與于亂固在下位而有

不仁不可謂元不靖國家不可謂亨作而害身不可謂



利棄位而姣不可謂貞婦卑于夫固在下位有四德者隨而無咎我皆無之豈隨也哉我則取惡能無咎乎必死于此弗得出矣

傳公送晉侯晉侯以公宴于河上問公年季武子對曰會

于沙隨之歲寡君以生晉侯曰十二年矣是謂一終一

星終也歲星十二年一周天國君十五而生子冠而生子禮也君

可以冠矣大夫盍為冠具武子曰君冠必以裸享之禮

行之灌鬯酒享以金石之樂節之舉動以先君之祧處

之諸侯以始祖廟為祧處之加冠于廟今寡君在行未可具也請反兄弟

之國而假備焉晉侯曰諾公還及衛冠于成公之廟假

鍾磬焉禮也

年廿九春王正月公在楚傳釋不朝正于廟也楚人使公親

禭諸侯有遣使謂禭今楚公患之穆叔曰祓殯而禭則

布幣也先使巫祓除殯之凶邪而乃使巫以桃茢先祓

殯禮茢黍稷周楚人弗禁既而悔之夏五月公至自楚

年卅一夏六月辛巳公薨于楚宮傳公作楚宮適楚好穆叔

曰太誓云民之所欲天必從之君欲楚也夫故作其宮

若不復適楚必死是宮也六月辛巳薨于楚宮叔仲帶

竊其拱璧以與御人、納諸其懷而從取之、由是得罪

秋九月癸巳子野卒傳立胡女敬歸之子子野、次于季氏

秋九月癸巳卒毀也過哀毀瘠以至滅性

傳立敬歸之娣齊歸之子公子稠、穆叔不欲曰、太子死有

母弟則立之、無則立長、立庶以年年鈞擇賢、義鈞則卜義鈞謂賢

等古之道也、非適嗣、何必娣之子野非適且是人也、居喪

而不哀、在感而有嘉容、是謂不度、不度之人、鮮不為患

若果立之、必為季氏憂、武子不聽、卒立之、比及葬、三易

衰、衰衽如故、衰於是、昭公十九年矣、猶有童心、君子是

以知其不能終也

冬十月滕子來會葬傳惰不敬而多涕、子服惠伯曰、滕君將

死矣、怠于其位、而哀已甚、兆於死所矣、能無從乎

癸酉葬我君襄公



昭公

元年春王正月公即位

元年五年

公如晉傳自郊勞至于贈賄無失禮晉侯謂女叔齊曰

魯侯不亦善於禮乎對曰魯侯焉知禮公曰何為自郊

勞至于贈賄禮無違者何故不知對曰是儀也不可謂

禮所以守其國行其政令無失其民者也今政令在

家在大不能取也有子家羈弗能用也好大國之盟元年

盟之陵虐小國伐莒利人之難往年因莒不知其私難私

公室四分民食於他他三家也言思莫在公不圖其終

春秋紀事本末

魯

卷三

公風堂

無為公謀為國君難將及身不恤其所禮之本末將於終始者在恤民而屑屑焉習儀以亟言善於禮不亦遠此乎在與憂國乎君子謂叔侯於是乎知禮

八年秋蒐于紅傳大蒐于紅自根牟至于商衛革車千乘皆

家之師也自是屢蒐三家耀武焉爾是故桓莊之狩必言公昭定之蒐不言公矣

正也因蒐狩以習用武事禮之大者也艾蘭以為防蘭

中防為田置旃以為轅門建旃以葛也覆質質門中

傷馬足以以為絜魚列流旁握御擊者不得入車軌塵塵不馬候蹄足

頭各去門邊空握握四寸擊掛車軌塵塵不馬候蹄足則不得入門耻御拙擊古帝反

相揜禽旅揜取御者不失其馳然後射者能中過防弗

逐不從奔之道也面傷不獻嫌誅不成禽不獻惡虐禽

雖多天子取三十焉其餘與士衆以習射於射宮射而

中田不得禽則得禽田得禽而射不中則不得禽是以

知古之貴仁義而賤勇力也以不爭為仁揖讓為義

十一月五月甲申夫人歸氏薨昭公大蒐于比蒲比音

齊歸薨大蒐于比蒲非禮也傳葬齊歸公不感晉士之送葬

者歸以語史趙史趙曰必為魯郊必出在侍者曰何故

春秋左傳卷之十九 襄公二十九年

曰歸姓也也姓生不思親祖不歸也佑也叔向曰魯公室其卑乎君有大喪國不廢蒐有三年之喪而無一日之感國不恤喪不忌也畏君也君無感容不顧親也國不忌君君不顧親能無卑乎殆其失國

十三年八月甲戌同盟于平丘公不與盟晉人執季孫意如以歸公至自會

傳同盟于平丘公不與盟晉人執季孫意如以幕蒙之使

狄人守之司鐸射魯大夫懷錦奉壺飲冰以蒲伏焉守者

御之乃與之錦以入水箭箭可以取飲晉人以平子歸

子服湫從也惠伯

公如晉至河乃復傳公如晉荀吳謂韓宣子曰諸侯相朝

講舊好也執其卿而朝其君有不好焉于和好不如辭

之乃使士景伯辭公于河

傳季孫猶在晉子服惠伯私于中行穆子曰魯事晉何以

不如夷之小國魯兄弟也土地猶大所命能具若為夷

棄之使事齊楚其何瘳于晉也瘳差親親與大賞共罰否

所以為盟主也子其圖之諺曰臣一主二言一臣可事

合去事吾豈無大國穆子告韓宣子且曰楚滅陳蔡不他國

春秋左傳卷之十九

魯哀公二十九年

口

公

能救而為夷執親將焉用之乃歸季孫惠伯曰寡君未
知其罪合諸侯而執其老老尊若猶有罪死命可也若
曰無罪而惠免之諸侯不聞是逃命也何免之為請從
君惠於會宣子患之謂叔向曰子能歸季孫乎對曰不
能鮒也能乃使叔魚見季孫曰昔鮒也得罪於晉君自
歸於魯君襄廿一年事微武子之賜不至於今武子平雖獲
歸骨於晉猶子則肉之敢不盡情歸子而不歸不肯鮒
也聞諸吏將為子除館于西河西使其若之何且茲平
子懼先歸惠伯待禮待見遣之禮

十四年春意如至自晉傳尊晉罪已也尊晉罪已禮也

十五年冬公如晉傳平丘之會故也

十六年春王正月公在晉晉人止公不書諱之也


夏公至自晉子服昭伯語季平子昭伯惠伯曰晉之公室

其將遂卑矣君幼弱六卿彊而奢傲將因是以習習實
為常能無卑乎平子曰爾幼惡識國

季孫意如如晉傳季平子如晉葬昭公平子曰子服回之

言猶信子服氏有子哉

十五年有鸚鵡來巢傳書所無也師已曰異哉吾聞文武之



世童謠有之曰鸚之鵒之公出辱之鸚鵒之羽公在外野往饋之馬鸚鵒跣跣張于反公在乾侯徵褻與襦鸚鵒

之巢遠哉遙遙稠父喪勞宋父以驕昭公死外故喪勞定公代立故以驕

鸚鵒鸚鵒往歌來哭童謠有是今鸚鵒來巢其將及乎

九月己亥公孫于齊次于陽州諱奔曰孫若自孫讓而去齊侯唁公于

野井傳初季公鳥娶妻于齊鮑文子生申公鳥死季公

亥與公思展與公鳥之臣申夜姑相其室亥即公若及相治也

季妣與饗人檀通而懼乃使其妾扶已以示秦遄之妻

遄魯大夫妻公鳥妹秦姬也曰公若欲使余使以非禮余不可而扶余又

訖于公甫平子弟曰展與夜姑將要余劫以非禮秦姬以告公

之亦平子弟公之與公甫告平子平子拘展于卞而執夜姑

將殺之展季氏族公若公鳥弟平子庶叔泣而哀之曰殺是是殺余

也將為之請平子使豎勿內自中不得請有司逆命公

之使速殺之故公若怨平子季郈之雞聞季平子郈昭伯二家雞聞

季氏介其雞郈氏為之金距平子怒益官于郈氏侵郈氏室

以自益且讓之責也故郈昭伯亦怨平子臧昭伯之從弟會

伯臧為子為讒于臧氏而逃于季氏季氏執之平子怒拘臧

氏老事見此冬十二月傳將禘于襄公萬者二人萬舞也于禮公當三十六人



其眾萬于季氏臧孫曰此之謂不能庸庸用禮也先君之廟

大夫遂怨平子公若獻弓于公為為昭公且與之出射

于外而謀去季氏公為告公果公賁音奔皆公為弟

使侍人櫟祖告公公寢將以戈擊之昭公佯怒將擊祖乃走公

曰執之亦無命也獨言執之無勅命懼而不出數月不見公不

怒又使言果賁又使祖言公執戈以懼之乃走又使言公曰非

小人謂祖之所及也謂祖公果自言果自進言公以告臧孫臧孫

以難難告郈孫郈孫以可勸告子家懿伯子家羈莊曰

讒人以君徵幸事若不克君受其名惡不可為也舍民

數世以求克事不可必也且政在焉其難圖也公退之

辭曰臣與聞命矣言若洩臣不獲死乃館於公叔孫昭

子如闞公居於長府九月戊戌伐季氏殺公之于門遂

入之平子登臺而請曰君不察臣之罪使有司討臣以

干戈臣請待于沂上以察罪弗許欲出城請囚于費弗

許請以五乘亡弗許子家子曰君其許之政自之出久

矣隱民多取食焉隱約窮困為之徒者眾矣日入慝作日冥

將起叛將起叛弗可知也眾怒不可蓄也蓄聚蓄而弗治將蘊

蘊積也將蓄蘊蓄民將生心生心同求將合同求叛君

積而生變積而生變蘊蓄民將生心生心同求將合同求叛君

君必悔之弗聽。邠孫曰：必殺之。公使邠孫逆孟懿子、叔孫氏之司馬駸戾，言於其衆曰：若之何？莫對。衆疑，又曰：我家臣也，不敢知國。凡有季氏與無於我，孰利？皆曰：無

季氏是無叔孫氏也。駸戾曰：然則救諸帥，徒以往，陷西北隅以入。公徒釋甲執冰，冰箭，箭其蓋可取飲。而踞，遂逐之。孟氏

使登西北隅以望季氏，見叔孫氏之旗，以告。見叔孫已往助季氏。

孟氏執邠昭伯，殺之于南門之西。遂伐公徒。子家子曰：諸臣偽劫君者而負罪以出，君止。謂公若等偽若劫昭公伐季氏，因負罪出。

奔君可止不出。意如之事君也，不敢不改。公曰：余不忍也，與臧

孫如墓謀。辭先君且謀所奔。遂行。己亥，公孫于齊，次于陽州。齊

侯將唁公于平陰，公先至于野井。齊侯曰：寡人之罪也，使有司待于平陰，為近故也。齊侯自咎，未勅有司，遠詣陽州而欲近會平陰，故令

魯侯過共先至野井遠迎。書曰：公孫于齊，次于陽州。齊侯唁公于野井，禮也。將求于人，則先下之，禮之善物也。齊侯曰：自莒

疆以西，請致千社。社，二十五家為一社。欲以給公，以待君命。寡人

將帥敝賦以從執事，唯命是聽。君之憂寡人之憂也。公喜，子家子曰：天祿不再，天若胙君，不過周公。以魯足矣，失魯而以千社為臣，誰與之立？周公止封于魯，天胙君以魯足矣，今失魯而臣

齊則從亡者且齊君無信不如早之晉弗從臧昭伯率
 皆棄君去矣從者將盟載書曰戮力壹心好惡同之信罪之有無信
 也處者有罪也處者有罪繾繾從公無通外內繾繾不離散外言不
 從者無罪從者無罪通以公命示子家子子家曰如此吾不可以盟羈也不
 佞不能與二三子同心而以為皆有罪從者陷君留者
 或欲通內外此通其言彼且欲去君偽為負罪出奔二三
 子好亡出而惡定國焉可同也其安可同陷君於難罪孰
 大焉通外內而去君君將速入弗通何為而何守焉乃
 不與盟通外內之言而偽負罪以去君將速歸不昭子
 通外內果欲何為何必守公而後為忠

自闕歸見平子平子稽顙曰子若我何昭子曰人誰不
 死子以逐君成名子孫不忘不亦傷乎將若子何平子
 曰苟使意如得改事君所謂生死而肉骨也昭子從公
 于齊與公言言平子子家子命適公館者執之恐從者
 謀故命謀故命公與昭子言於幄內曰將安衆而納公昭子謂
 公徒將殺昭子伏諸道左師展告公公使昭子自鑄歸
 辟伏辟伏平子有異志冬十月辛酉昭子齊齋於其寢使祝
 宗祈死戊辰卒左師展將以公乘馬而歸公徒執之
 公唁公者何昭公將弒季氏告子家駒曰季氏為無道僭

卷三 四十五 屈尊

於公室久矣吾欲弑之何如子家駒曰諸侯僭於天子
大夫僭於諸侯久矣昭公曰吾何僭矣哉子家駒曰設
兩觀禮天子諸侯臺門天子外乘大輅天子大路朱干
以朱闕兩觀諸侯內闕一觀諸侯路車
飾楯玉戚以玉飾斧以舞大夏天夏夏樂也王者舞六樂于
法也舞已之樂明有則也舞四夷之樂大德廣及之也
東夷之樂曰株離南夷樂曰任西夷曰禁北夷曰昧
八佾以舞大武此皆天子之禮也且夫牛馬維婁繫牛曰婁
婁力主反委已者也委已者已者而柔馬順柔季氏得民衆久矣
君無多辱焉昭公不從其言終弑而貶焉走之齊齊侯
唁公於野井曰奈何君去魯國之社稷昭公曰喪人不

佞失守魯國之社稷執事以羞再拜顙慶賀也子家駒曰
慶子免君於大難矣子家駒曰臣不佞陷君於大難君
不忍加之以鈇鑕賜之以死再拜顙高子執簞食與四
胾脯屈曰胸國子執壺漿曰吾寡君聞君在外餒饗未
就餒熟食敢致糗于從者昭公曰君不忘吾先君延及
喪去聲人錫之以大禮再拜稽首以祚受乞器謙不高子
曰有夫不祥君無所辱大禮昭公蓋祭而不嘗不敢便
所先祭而景公曰寡人有不腆先君之服未之敢服有
待禮讓也
不腆先君之器未之敢用敢以請昭公曰喪人不佞失

魯公風堂

守魯國之社稷執事以羞敢辱大禮敢辭景公曰寡人
 有不腆先君之服未之敢服有不腆先君之器未之敢
 用敢固以請昭公曰以吾宗廟之在魯禮有先君之服
 未之能以服有先君之器未之能以出敢固辭景公曰
 寡人有不腆先君之服未之敢服有不腆先君之器未
 之敢用請以饗乎從者昭公曰喪人其何稱行禮賓主各有所稱
 昭公自謙失國不敢以故稱自稱景公曰孰君而無稱昭公於是噉古
 反然而哭諸大夫皆哭既哭以人為菑菑周埽垣也以
 幣為席幣車以鞞為几以禮遇相見孔子曰其禮與其

辭足觀矣

穀 弔失國曰唁唁公不得入于魯也

十二月庚辰齊侯取鄆傳齊侯圍鄆欲取以居公

廿六年傳春王正月庚申齊侯取鄆 三月公至自齊居于鄆

傳言魯地也 夏公圍成傳齊侯將納公命無受魯貨申

豐從女賈豐賈二人皆季家臣以幣錦二兩二大為端二端為兩所謂匹也縛一

如瑱適齊謂子猶之人高齋子猶梁丘據能貨子猶為

高氏後粟五千庾能行貨子猶當為請高齋以錦示子

猶猶欲之曰魯人買之百兩一布以道之不通先入幣

春秋左傳卷之四十四 齊魯 松屋堂

財布陳之以百兩為數以此二子猶受之言于齊侯曰

羣臣不盡力于魯君者非不能事君也然據有異焉宋

元公為魯君如晉卒於曲棘在前叔孫昭子求納其君

無疾而死不知天之棄魯邪抑魯君有罪於鬼神故及

此也君若待於曲棘使羣臣從魯君以卜焉若可師有

濟也君而繼之茲無敵矣若其無成君無辱焉齊侯從

之使公子鉏帥師從公成大夫公孫朝謂平子曰有都

以衛國也請我受師成孟氏邑請許之請納質疑弗

許曰信女足矣告於齊師曰孟氏魯之敝室也用成已

甚弗能忍也請息肩于齊詐欲降齊師圍成成人伐齊

師之飲馬于淄者曰將以厭衆以厭衆心魯成備而後

告待魯備既曰不勝衆勝音升言師及齊師戰于炊鼻

齊子淵捷從洩聲子夫從逐也射之中楯瓦瓦楯繇胸

汰輒七入者三寸胸車輒輒車輒汰聲子射其馬斬鞅

鞅馬腹殪改駕人以為馵戾也而助之馵戾叔子車

曰齊人也將擊子車魯人知其子車射之殪其御曰又

之子車曰衆可懼也而不可怒也言可以射恐之而不

子囊帶從野洩叱之帶齊大夫洩曰軍無私怒報乃私

春秋左傳卷之四十四 齊魯 公風堂

也將亢子欲以公戰禦之又叱之亦叱之冉豎季氏射

陳武子子彊中手失弓而罵以告平子曰有君子白皙鬢

之忍反鬚眉甚口辨也平子曰必子彊也無乃亢諸言亢

以致對曰謂之君子何敢亢之林雍羞為顏鳴右下皆

其怒對曰謂之君子何敢亢之林雍羞為顏鳴右下皆

人下下苑何忌取其耳忌齊人不殺雍顏鳴去之其右

車戰而苑子之御曰視下顧擊其足苑子刺林雍斷其足

鑿而乘于他車以歸刺擊也鑿音顏鳴三入齊師呼曰

林雍乘呼其共載也晏子春秋齊侯問公曰君年之少而棄國之蚤奚道

至于此乎公曰愛我者我不能親諫我者我不能用內

無拂而外無輔諂我者衆辟之猶秋蓬也孤其根而

美枝葉秋風一至根且拔矣景公辯其言以語晏子曰

使是人而得反國豈不為賢君乎晏子曰不然夫愚者

多悔不肖者自賢溺者不問墜迷者不問路後雖辯之

臨難鑄兵既噓掘井亦無及已

秋公會齊侯莒子邾子杞伯盟于鄆陵公至自會居于鄆

傳謀納公也

廿七年春公如齊公至自齊居于鄆傳言在外也

秋晉士鞅宋樂祁犁衛北宮喜曹人邾人滕人會于扈
傳 令戍周且謀納公也宋衛皆利納公固請之范獻子取
貨于季孫謂司城子梁與北宮貞子曰季孫未知其罪
而君伐之請囚請亡於是乎不獲君又弗克而自出也
夫豈無備而能出君乎季氏之復也安天救之也休公徒
之怒也休息也而啓叔孫心之心不然豈其伐人而說甲執
冰以游叔孫氏懼禍之濫而自同於季氏天之道也魯
君守齊三年而無成季氏甚得其民淮夷與之有十年
之備有齊楚之援有天之贊有民之助有堅守之心有

列國之權而弗敢宣也弗敢宣用事君如在國書公行告公至故鞅
以為難二子皆圖國者也而欲納魯君鞅之願也請從
二子以圍魯無成死之二子懼皆辭乃辭小國而以難
復復晉君
傳 孟懿子陽虎伐鄆欲奪公鄆人將戰于家子曰天命不懼
久矣陷疑也言棄君不疑使君亡者必此衆也亡敗天既禍之而
自福也不亦難乎猶有鬼神此必敗也嗚乎為無望也
夫其死於此乎公使子家子如晉公徒敗于且知且子
公如齊公至自齊居于鄆



傳冬公如齊齊侯請饗之禮設饗子家子曰朝夕立于其朝

又何饗焉其飲酒也乃飲酒使宰獻而請安比公于大夫也禮君

宴大夫使宰為主獻獻爵也子仲之子曰重為齊侯夫

請安齊侯請自安不在坐也子仲之子曰重為齊侯夫

人曰請使重見子仲之子曰重為齊侯夫子家子乃以公

出今欲使重見從宴媵也子家子乃以公

年廿八公如晉次于乾侯傳公如晉將如乾侯齊甲子家子

曰有求于人而即其安人孰矜之其造于竟弗聽使請

逆于晉晉人曰天禍魯國君淹恤在外君亦不使一介

辱在寡人而即安于甥舅其亦使逆君言自使齊逆君使公復

于竟而後逆之

年廿九春公至自乾侯居于鄆齊侯使高張來唁公唁公以乾侯至

不得見公如晉次于乾侯復不見受

晉侯故往乾侯

春公至自乾侯處于鄆齊侯使高張來唁公稱主君大夫


稱主君比公于大夫也子家子曰齊甲君矣君祗辱馬公如乾侯

平子每歲賈古馬具從者之衣履而歸之于乾侯公執

歸馬者賣之賣其馬乃不歸馬衛侯來獻其乘曰啟服名

輒而死墮公將為之櫛棺也子家子曰從者病矣請以食

之請以作棺之費食之乃以幃裹之公賜公衍羔裘使獻龍輔名



於齊侯遂入羔裘

行以羔裘繼

齊侯喜與之陽穀公衍公為

之生也其母偕出

皆昭公子將生時二母同出居產舍

公衍先生公為之

母曰相與偕出請相與偕告

使待已生而偕告

三日公為生其

母先以告公為為兄公私喜於陽穀而思於魯

私以得陽穀為

喜且追思失魯之禍

曰務人為此禍也

務人公為也始與公若謀逐季氏

且後生

而為兄其誣也久矣乃黜之而以公衍為太子

冬十月鄆潰

民逃其上曰潰潰散叛公

穀潰之為言上下不相得也上下不相得則惡矣亦譏公

也昭公出奔民如釋重負

年卅

春王正月公在乾侯

傳不先書鄆與乾侯非公且微遇

也前者公在鄆在乾侯而經不釋朝正之礼者所以非

然自是鄆潰齊晉甲公內外棄之非復過誤所當掩塞故每歲書公所在

年卅

一春王正月公在乾侯

傳言不能外內也

內不容于臣子外不容于

齊晉所以久在乾侯

季孫意如會晉荀躒于適歷 晉侯使荀躒唁公于乾侯


傳 晉侯將以師納公 范獻子曰若召季孫而不來則信不

臣矣然後伐之若何 晉人召季孫獻子使私焉曰子必

來我受其無咎 季孫意如會晉荀躒于適歷 荀躒曰寡

君使蹀謂吾子何故出君有君不事周有常刑子其圖之季孫練冠麻衣跣行伏而對曰事君臣之所不得也敢逃刑命言君不肯還君若以臣為有罪請囚于費以待君之察也亦唯君若以先臣之故不絕季氏而賜之死若弗殺弗亡君之惠也死且不朽若得從君而歸則固臣之願也敢有異心謂魯侯夏四月季孫從知伯如乾侯子家子曰君與之歸一慙之不忍而終身慙乎公曰諾眾曰在一言矣君必逐之言公一言使晉逐之荀躒以晉侯之命唁公且曰寡君使蹀以君命討於意如意如不敢逃死

君其入也公曰君惠顧先君之好施及亡人將使歸冀除宗祧以事君則不能見夫人已所能見夫人者有如河已公自稱夫人謂季孫荀躒掩耳而走曰寡君其罪之恐敢與知魯國之難臣請復于寡君退而謂季孫君怒未怠子姑歸祭子家子曰君以一乘入于魯師季孫必與君歸公欲從之眾從者脅公不得歸歸祭謂攝行君事公遣人誘公遣人誘公在乾侯言不能外內又不能用其人也傳十有二月己未公薨于乾侯傳公疾徧賜大夫大夫不受



年廿二 春王正月公在乾侯取闕闕而取之 魯侯言不能外內又不能用其人也 公疾徧賜大夫大夫不受

賜子家子雙琥玉器一環一璧輕服細好服受之大夫皆受

其賜已未公薨子家子反賜於府人曰吾不敢逆君命

也大夫皆反其賜書曰公薨於乾侯言失其所也趙簡

子問於史墨曰季氏出其君而民服焉諸侯與之君死

於外而莫之或罪也對曰物生有兩有三有五有陪貳

故天有三辰地有五行體有左右謂有各有妃配偶謂

貳王有公諸侯有卿皆有貳也天生季氏以貳魯侯為

日久矣民之服焉不亦宜乎魯君世從其失季氏世修

其勤民忘君矣雖死於外其誰矜之社稷無常奉君臣

無常位自古以然故詩曰高岸為谷深谷為陵三后之

姓子孫於今為庶主所知也在易卦雷乘乾曰大壯天

之道也乾為天子震諸侯今在乾上君臣昔成季友相

之季也文姜之愛子也始震姓娠而卜卜人謁之曰生

有嘉聞其名曰友為公室輔及生如卜人之言有文在

其手曰友遂以名之既而有大功于魯受費以為上卿

至于文子武子世增其業不廢舊績魯文公薨而東門

遂殺適立廢魯君於是乎失國政在季氏於此君也四

公矣民不知君何以得國是以為君慎器與名不可以


假人器車服名爵號

哀公十年夏五月甲辰孟子卒傳昭夫人孟子卒昭公娶于

吳故不書姓死不赴故不稱夫人不反哭故不言葬小

君孔子與弔適季氏季氏不絕故經而拜孔子始老故

也孔子以小君禮往弔季孫不服喪故去經從主節制



定公

元年春王公之始年而不書正月公即位夏六月癸亥公之喪至自

乾侯戊辰公即位公不得以正月即位失其時故詳而日之

秋七月癸巳葬我君昭公立煬宮煬公伯禽子廟已毀季氏禱之而立其宮

傳夏叔孫成子逆公之喪于乾侯成子姁季孫曰子家子

函去聲言於我未常不中去聲吾志也吾欲與之從政子必

止之且聽命焉言子家屢諫昭公言我之事與我志合子止其勿去其諸臣去留且聽其命令

子家子不見叔孫易幾而哭幾哭會也不欲見叔孫

請見子家子辭曰羈未得見而從君以出出時成子未為卿君

不命而薨，羈不敢見。託詞以拒叔孫使告之曰：公衍公為實。

使羣臣不得事君。逐季氏。二子始謀。若公子宋主社稷，則羣臣

之願也。凡從君出而可以入者，將惟子是。聽于家氏，未

有後。季孫願與子從政，此皆季孫之願也。使不敢。成子名。

以告曰：若立君，則有卿士大夫與守龜在，羈弗敢知。若

從君者，則貌而出者入可也。以義從公與。季氏無實怨。冠而出者行

可也。與季為寇。若羈也，則君知其出也，而未知其入也。

羈將逃也。喪及壞墮，公子宋先入。從公者皆自壞墮反

出。六月癸亥，公之喪至。自乾侯，戊辰，公即位。諸侯薨五日而殯，殯

則嗣子即位。癸亥，戊辰，凡五日。季孫使役如闕公氏，將溝焉。闕魯羣公墓所在公

氏昭公墓宅。季氏惡昭欲溝絕其兆域，不與先君同。榮駕鸞曰：生不能事死，又離

之以自旌也。旌章也。自章其惡。縱子忍之，後必或耻之。子孫必耻其惡。

乃止。季孫問於榮駕鸞曰：吾欲為君謚，使子孫知之。為謚對曰：生弗能事死，又惡之以自信也。將焉用之？乃止。

信明也。自明其不臣之跡。秋七月癸巳，葬昭公於墓道南。猶別葬于先君墓道

外。孔子之為司寇也，溝而舍諸墓，謂季孫斯曰：貶君以

彰已罪，非禮也。今合之，所以掩夫子之不臣也。昭公出

故，季平子禱于煬公。九月立煬宮。

故季平子禱于煬公九月立煬宮

公

定何以無正月正月者正即位也定無正月者即位後

也即位何以後昭公在外得入不得入未可知也曷為

未可知在季氏也定哀多微辭主謂定習其讀而問其

傳則未知已之有罪焉爾設使定哀習其經而讀之問

于是此孔子畏時君上以諱尊

穀 不言正月定無正月定之無正何也昭公之終非正終

也定之始非正始也昭無正終故定無正始不言即位

喪在外也

穀 殯然後即位也定無正見無以正也踰年不能即位是

有故公也言即位是無故公也即位授受之道也先君

無正終則後君無正始也先君有正終則後君有正始

也戊辰公即位謹之也定之即位不可不察也公即位

何以日也戊辰之日然後即位也癸亥公之喪至自乾

侯何為戊辰之日然後即位也正君乎國然後即位也

沈子曰正棺乎兩楹之間然後即位也內之大事日即

位君之大事也其不日何也以年決者不以日決也此

則其日何也著之也何著焉踰年即位厲也於厲之中

又有義焉未殯雖有天子之命猶不敢况臨諸臣乎周

春秋左傳卷之六

魯

卷之六

公

人有喪魯人有喪周人弔魯人不弔周人曰固吾臣也使人可也魯人曰吾君也親之者也使大夫則不可也故周人弔魯人不弔以其下成康為未久也君至尊也去父之殯而往弔猶不敢况未殯而臨諸臣乎

八年冬從祀先公

從順也先公閔僖也親盡故通言先公

公從祀者何順祀也

文公逆祀去者三人

諫不從而去之

定公順

祀叛者五人

諫不以禮而去曰叛

十五年

春王正月邾子來朝

邾隱公來朝子貢觀焉邾子

執玉高其容仰公受玉卑其容俯子貢曰以禮觀之二

君者皆有死亡焉夫禮死生存亡之體也將左右周旋進退俯仰于是乎取之朝祀喪戎于是乎觀之今正月相朝而皆不度心已亡矣嘉事不體何以能久高仰驕也卑俯替也驕近亂替近疾君為主其先亡乎

夏五月壬申公薨于高寢傳仲尼曰賜不幸言而中是使

賜多言者也

邾子來奔喪

諸侯奔喪非禮

秋七月壬申如氏卒

傳

不稱夫人不赴且不祔也

如氏定公夫人

赴同祔姑夫人之禮今皆缺故不曰夫人

九月滕子來會葬諸侯會葬非禮丁巳葬我君定公兩不克葬

戊午日下昃乃克葬傳葬定公兩不克襄事禮也兩而成事

若汲汲于欲葬次日兩霽

而葬得必誠必信之道

卒已葬定如傳不稱小君不成喪也公未葬而夫人薨煩

不稱小君臣子怠慢

也反哭于寢故書葬

哀公

元年春王正月公即位

十一年春齊國書帥師伐我傳齊為郕故在前年國書高無

平帥師伐我及清季孫謂其宰冉求曰齊師在清必魯

故也若之何求曰一子守二子從公禦諸竟季孫曰不

能言力不能求曰居封疆近之間季孫告二子二子不

可求曰若不可則君無出一子帥師背城而戰不屬者

非魯人也屬臣屬也言魯之羣室都邑衆于齊之兵車

一室敵車優矣子何患焉二子之不欲戰也宜政在季

氏當子之身齊人伐魯而不能戰子之耻也太不列于諸侯矣季孫使從於朝侯于黨氏之溝武叔呼而問戰焉對曰君子有遠慮小人何知懿子強問之對曰小人慮材而言量力而共者也共音恭武叔曰是謂我不成丈夫也知冉求非已不退而蒐乘孟孺子洩伯武帥右師顏羽御那洩為右冉求帥左師管周父御樊遲為右季孫曰須也弱有子冉求曰就用命焉雖年少能用命季氏之甲七千冉有以武城人三百為已徒卒步兵卒老幼守官次于雩門之外五日右師從之子洩之師五日乃從言不欲戰公叔務人昭公

為見保者而泣曰事充繇政重多稅上不能謀士不能死何以治民吾既言之矣敢不勉乎師及齊師戰于郊齊師自稷曲師不踰溝樊遲曰非不能也不信子也不信子之令請三刻而踰之如之衆從之師入齊軍左師右師奔齊人從之陳瓘陳莊涉泗孟之側後入以為殿抽矢策其馬曰馬不進也林不狃之伍曰走乎不狃曰誰不如曰然則止乎不狃曰惡賢言止戰惡足為賢皆無戰志徐步而死師左獲甲首八十齊人不能師宵謀曰齊人遁冉有請從之季孫弗許孟孺子語人曰我不如顏羽而賢于那洩子

羽銳敏銳精敏疾也言欲戰我不欲戰而能默不言洩曰驅之馬

欲公為與其嬖僮汪錡乘皆死皆殞孔子曰能執干戈

以衛社稷可無殤也冉有用矛於齊師故能入其軍孔

子曰義也

附檀弓戰于郎公叔禺遇人遇負杖入保者息曰使之雖病

也煩任之雖重也歛君子不能為謀也士弗能死也不

可言甚我則既言矣與其鄰重童汪錡往皆死焉魯人

欲勿殤重汪錡問於仲尼仲尼曰能執干戈以衛社稷

雖欲勿殤也不亦可乎

五月公會吳伐齊傳為郊戰故公會吳子伐齊以下入吳齊傳

傳秋季孫命修守備白小勝大禍也齊至無日矣

廿四公子荆之母嬖將以為夫人使宗人躒夏獻其禮立夫

人之對曰無之公怒曰女為宗司禮立夫人國之大禮

也何故無之對曰周公及武公娶于薛孝惠娶于商宋

也避定自桓以下娶于齊此禮也則有若以妾為夫人

則固無其禮也公卒立之而以荆為太子國人始惡之

年七公患三桓之侈也欲以諸侯去之三桓亦患公之妄

也故君臣多間公游于陵阪遇孟武伯于孟氏之衢曰

春秋紀事本末 魯 魯 魯

請有問于子余及死乎以壽死對曰臣無由知之三問卒
 辭不對公欲以越伐魯而去三桓秋八月甲戌公如公
 孫有陘氏因孫于邾乃遂如越國人施公孫有山氏有山
 即有陘施罪于有山
 以公自其家出故也

魯越

二十一年越人始來廿四年閏月公如越得大子與越太適郢子相得

將妻公而多與之地公孫有山使告于季孫季孫懼使

因太宰嚭而紂賂焉乃止廿五年六月公至自越季康

子孟武伯逆于五梧郭重僕御公見二子曰惡言多矣君

請盡之不臣之言甚多欲公盡以觀之公宴于五梧武伯為祝上壽酒惡

郭重曰何肥也季孫曰請飲燕也罰之以魯國之密邇仇

讎臣是以不獲從君克免于大行又謂重也肥重隨君遠行勛

勞何反稱其肥公曰是食言多矣聞惡言多能無肥乎飲酒不樂公

與大夫始有惡


二十七年春越子使后庸來聘且言邾田封于駘上使魯還邾田至駘上

二月盟于平陽三子季康子叔孫文子孟武伯皆從從后庸盟康子病之

耻從蠻夷盟言及子貢曰若在此吾不及此矣十二年子貢

不與盟武伯曰然何不召曰固將召之文子曰他日請

念言臨難而思賢



文化康午

松風堂

